

## Fula - Yamditini Deftere - Healing Scriptures

Gurtaaki 15:26 O wi'i: "Min woni Jehovah Jawmiraawo moodon. To on dowtanake yam, to on kuuwi ko fotti yeeso am, to on nanani wasuyeeji am, to on njogake umrooje am fuu, nden kam mi ukkantaa on nyawji di ukkanmi Misra'en. Ngam min woni Jawmiraawo, kurgoowo on."

Tooktaaki Tawreeta 7:15 Jawmiraawo daaynanan on nyawji. Nyawji kalludi di ngi'don haa Misra, o ukkantaa koo ngootu maaji. Ammaa o ukkan di fuu dow konne'en mon.

Jabuura 107:20 O neldi be wolde maako, hurgi be, o hisni be maayugo.

Jabuura 146:8 O ummitinan toskiibe, o yidi goonga'en.

Esaaya 35:5 Nden gite wumbe mbumtan, noppi fahaabe pahditan.

Esaaya 53:5 Ammaa o yuwaama ngam hakkeeji meeden, o naawnama ngam aybeeji meeden. Kiita ka o jabi, hisni en, ngam kuuduuje maako en kurgake.

Esaaya 58:8 Nden kam yerduye am yaynanan on bana jayngol fajiri, kuuduuje mon nyawndoto law. Kisndam mon ardoto on, tedduŋgal am boo timminan jahaŋgal mon.

Yeremiya 30:17 Min mi yamditinan on, mi hurga kuuduuje mon, koo to konne'en mon don mbi'a: Siyona wudinaama, walaa paaleteedo ngol." Non Jawmiraawo wi'i.

Yeremiya 33:6 Ammaa mi hurgan ngol, mi yamditinan ngol. Mi yamditinan yimbe maagol, mi seyna be bee jam e hoolaare.

Malakiya 4:2(3:20) "Ammaa onon hulbe innde am, baawde am kisnooje fudanan on bana naanje. Nyawnduki wardan bee baawde de. Nden on ngurtoto, on ndiwan bee seyo bana nyalahoy.

Matta 4:23,24 Yeesu yilli lesdi Galili fuu, o anndini Yahuudu'en nder suudu waajaago mabbe, o waajini kubaruwol belŋgol ngol laamu Jehovah, o yamditini nyawbe e jiijiibe duudbe. 24 Kubaru maako saŋkiti nder lesdi Isra'iila fuu. Be ngaddani mo torraabe nyawji feere feere, bana ginnaaji e padde e garsa, o yamditini be.

Matta 8:16,17 Nde kiikide wadi, be ngaddi yimbe duudbe, marbe ginnaaji. Yeesu riiwi ginnaaji bee wolde mum, yamditini nyawbe fuu. 17 O wadi non ngam haa a goondina ko annabi Esaaya wi'i: "O efti tampere meeden, o roondi nyawji meeden."

Matta 9:35 Yeesu yiiloyi berniji e gure fuu. O anndini Yahuudu'en nder cuudi waajaago mabbe, o waaji be kubaruwol belŋgol ngol laamu Jehovah, o yamditini nyawbe e jiijiibe duudbe.

Matta 10:1 Yoo, Yeesu ewni pukara'en muudum sappo e dido, be ngari haa maako. O hokki be baawde riiwugo ginnaaji e yamditingo nyawbe e jiijiibe fuu. (Markus 3:14,15)

Matta 10:8 Njamditine nyawbe, ummitine maaybe, njamditine kuturu'en, ndiiwe

- ginnaaji. On kebi dum caahu, on ndokka dum caahu boo.
- Matta 11:5 Wumbe don ngi'a, woosbe don njaha, kuturu'en njamdit, fahdube boo don nana, maaybe ummiti, talaka'en boo ngaajinaama kubaruwol ceynoowol.
- Matta 12:15 Nde Yeesu nani haala dabare mabbe dow maako, o ummi nokkuure maajum, o dilli, yimbe duudbe tokki mo. O yamditini nyawbe fuu.
- Matta 15:30 Yimbe duudbe ngari haa maako, be ngaddi woosbe e wumbe e muuka'en e waata-terde'en e nyawbe wodbe duudbe. Be mballini be kombi Yeesu, o yamditini be.
- Matta 17:20 Yeesu jaabi be: "Ngam nuddinki moodon famdi. Mi don wi'a on bee goonja: To on ngoodi nuddinki koo sedda bana gawel citta, on mbi'an hooseere nde'e sotta do, yaha to, fakat nde sottan, walaa ko salorta on sam.
- Markus 1:34 Yeesu yamditini nyawbe duudbe e nyawji mabbe feere feere, o riiwi boo ginnaaji duuddi. O accaay ginnaaji di mbolwa koodume, ngam di anndi mo.
- Markus 3:10 Naane o yamditini duudbe, ngam maajum nyawbe fuu biddotiri dow maako haa be meema mo.
- Markus 6:5,6 O hebaay huuwugo kaayefiwol koongole ton, sey o wallini juude maako dow wodbe nyawbe, o yamditini be. 6 O haydini ngam be ngalaa nuddinki.
- Markus 6:13 Be ndiiwi ginnaaji duuddi, be nguji nyawbe duudbe bee nebbam, be njamditini be.
- Markus 6:55,56 Nde be nani o don nokkuure kaja, be ndoggi kootoy nder lesdi maajum fuu, be njahrani mo nyawbe waaliibe dow be"itte fuu. 56 Kootoy o yehi, nder gure malla berniji malla kawyeeji, be don mballina nyawbe mabbe haa luube, be toro mo haa nyawbe keba meemugo koo gawargal limce maako. Meembe ngal fuu njamdit.
- Markus 8:23-25 Yeesu naangi mo junjgo, yahri mo yaasi wuro, tuuti tuude dow gite maako, wallini juude mum dow maako. Nden o ?ami mo: "A don yi'a na?" 24 Kanjo o tiji dow, o jaabi: "Mi don yi'a yimbe, ammaa bana ledde jahande." 25 Fahin Yeesu wallini juude mum dow gite maako. Kanjo o suti haa yeeso maako, o wumti, o yi'i kuuje fuu laabdum.
- Markus 9:29 Yeesu jaabi be: "Walaa baawde feere riiwata asngol ngo'ol, sey do'a."
- Markus 16:17,18 Nuddinbe keban alaamaaji baawde di'i: Be ndiiwan ginnaaji bee innde am, be mbolwan bee demde de anndaaka. 18 To be naangi bodde, malla to be njari njaram mbaroojam, dum naawnataa be sam. Be mballinan juude mabbe dow nyawbe, be njamdit.
- Luka 4:18 "Ruuhu Jawmiraawo don dow am, o subi yam ngam haa mi waajina laafube habaru seyo. O neli yam haa mi wanginana habbaabe joofeeki muudum'en, ngam wumtingo wumbe, ngam hisnugo torraabe,
- Luka 4:40 Baawo naanje muti, be ngaddi nyawbe e torraabe nyawji feere-feereeji haa Yeesu. O wallini juude maako dow gooto gooto mabbe, o yamditini be.
- Luka 5:15 Koo non fuu haala Yeesu besdi sajkitaago caka yimbe yeeso. Yimbe duudbe ngari haa maako ngam nanugo mo, ngam o yamditina be nyawji

mabbe boo.

Luka 5:17-25 Too, nyande feere Yeesu don waajina. Farisa'en e moodibbe tawreeta don njoodi kombi maako, be ngari diga gure lesdi Galili, lesdi Yahudiya e berniwol Urusaliima. Baawde Jawmiraawo don bee Yeesu ngam yamdsitingo nyawbe. 18 Yimbe ngaddi goddo feere, waata-terdeejo, be ndoondi mo dow be"itte, be dabbi nastugo suudu haa Yeesu woni, ngam be mballina mo yeeso maako. 19 Ammaa be anndaa toy be nastinirta mo, ngam yimbe duudi. Ngam man be mba'i bee maako dow suudu, be mbadi wurde haa kippol maaru, be njippini mo bee leeso go caka moobre haa Yeesu woni. 20 Nde Yeesu yi'i nuddinki mabbe, o wi'i nyawdo man: "Soobaajo am, hakkeeji maada njaafaama." 21 Moodibbe tawreeta e Farisa'en puusdi numugo: "Dum neddo moye oo, bolwando kalluka dow Jehovah? Moy waawata yaafaago hakkeeji sonaa Jehovah tan?" 22 Yeesu anndi numooji mabbe, wi'i be: "Ngam dume on numata irin numooji di? 23 Ko buri hoyugo? Wi'ugo: Hakkeeji maada njaafaama, malla wi'ugo: Umma, yah? 24 Ammaa mi yidi on annda no Bii-neddo+ woodi baawde dow lesdi ngam yaafaago hakkeeji." Nden o wolwani goddo waata-terdeejo go: "Mi don wi'e: Umma, hoo'u be"itte ma, hootu saare maada." 25 Nyawdo go ummi law yeeso yimbe fuu, hoosi be"itte de o waalino haa muudum, hooti saare muudum, o don maŋta Jehovah.

Luka 6:17-19 Nden Yeesu jippi hooseere go bee mabbe, o dari haa babal, nuddinbe mo duudbe don ton. Yimbe duudbe be lesdi Yahudiya fuu e yimbe Urusaliima e yimbe fomoonde maayo e yimbe Tirus e Sidon fuu don ton. 18 Be ngari ngam nanugo mo, e ngam o yamdsitina be nyawji mabbe. Torraabe ginnaaji boo ngari, be njamdsiti. 19 Yimbe fuu ngidi meemugo mo, ngam baawde don ngurto haa maako, njamdsitina be fuu.

Luka 7:21,22 Wakkati maajum Yeesu yamdsitini nyawbe duudbe nyawji feere feere, o hisni be e ginnaaji kalludi, o wumtini wumbe duudbe. 22 Nden o jaabi nelaabe Yuhanna go: "Njehe, mbi'e Yuhanna ko on ngi'i e ko on nani: Wumbe don ngi'a, woosbe don njaha, kuturu'en njamdsiti, fahdube don nana, maaybe ummitake, laafube boo nani kubaruwol ceynoowol.

Luka 8:1/2 Too, baawo maajum Yeesu yehi berniji e gure fuu, o waaji, o yecci habaru laamu Jehovah. Pukara'en sappo e dido e rewbe wodbe yamdsitinaabe ginnaaji e nyawji fuu don ngondi bee maako. Kambe ngoni Mariyama (bi'eteedo Mariyama mo Magdala) mo ginnaaji joweedidi ngurtina haa muudum,

Luka 9:2 O neli be waajaago laamu Jehovah, e yamdsitingo nyawbe.

Luka 9:11 Yimbe nani dum, be tokki mo. Yeesu jabbi be, o wolwani be habaru laamu Jehovah, o yamdsitini marbe haaje yamdsitineego boo.

Luka 13:12 Nde Yeesu yi'i mo, o wolwani mo, o wi'i mo: "Debbo, a yamdsitinaama diga jiija ma."

Luka 13:32 Yeesu wi'i be: "Njehe, mbi'e doldolnde man: Ndaa: Mi don riiwa ginnaaji, mi don yamdsitina nyawbe, hande e jaŋgo, nyande tatabre mi timminan kuugal am.

Yuhanna 5:8,14 Yeesu wi'i mo: "Umma, hoosu daago ma, dillu." 14 Baawodon

Yeesu tawi mo nder haykaliiru, wi'i mo: "Ndaa, jonta a yamdititi, taa meetu wadugo hakke fahin, ngam taa ko tulli wara dow maada."

Yuhanna 14:12 Mi don wi'a on bee goonja: Koomoy nuddini yam, huuwan kuude de mi huuwi, o huuwan ko buri dum mawnugo boo, ngam mi don dilla haa Baabiraawo.

Kuude Nelaabe 3:6 Ammaa Piyer wi'i mo: "Mi walaa ceede sam, ammaa mi hokkete ko marmi: Bee baawde Yeesu Almasiihu mo Nasaratu, mi wi'i ma: Yah."

Kuude Nelaabe 5:15,16 Ngam maajum be don njahra nyawbe haa laabi, be don mballina be haa leese e daage, ngam to Piyer yaali ton, teema mbeelu muudum meeman wodbe mabbe. 16 Yimbe duudbe ngari diga gure taariide Urusaliima, be ngaddi nyawbe mabbe e marbe ginnaaji. Be fuu be njamdititi.

Kuude Nelaabe 10:38 On anndi habaru Yeesu mo Nasaratu, no Jehovah hokkiri mo baawde Ruuhu Ceniingu. O yehi kootoy, o huuwi kuude booddde, o yamditini torraabe Iblisa fuu, ngam Jehovah don wondi bee maako.

Kuude Nelaabe 19:11,12 Jehovah huuwi kaayefiji kaydiniidi bee junjgo Pol. 12 Be njahrani nyawbe limce e leppi ko meemi bandu Pol, nyawji mabbe e ginnaaji fuu ngurti haa mabbe.

Roma'en 8:26 Ruuhu Jehovah don walla en, ngam en tampube. En anndaa koo toraago Jehovah bana no haani. Ruuhu bee hoore mum don toro Jehovah ngam meeden, naa bee bolle yimbe.

1 Korintu'en 12:9 Ruuhu maajum don hokka goddo nuddinki cembidki, goddo feere boo baawal yamditingo.

1 Korintu'en 12:28 Jehovah hokki koomoy joonde mum nder jama'aare: aran nelaabe, didawre waajoobe kubaruji Jehovah, tatabre boo jañginoobe. Nden huuwoobe kaayefiji, e waawbe yamditingo e walooobe e dowoobe e wolwoobe bee demde de anndaaka.

Filippi'en 2:27 Fakat o nyawino haa o badi maayugo. Ammaa Jehovah endi mo, naa Epafroditus tan, ammaa min boo, ngam taa mettamberam duudanammi.

Yakuba 5:14 Woodi nyawdo caka moodon na? O ewno dawroobe jama'aare nuddinbe. Be toro Jehovah ngam maako, be moytira mo nebbam bee innde Jawmiraawo.

1 Piyer 2:24 Almasiihu bee hoore muudum roondi hakkeeji meeden haa bandu muudum dow leggal gaafaangal, ngam haa en laato maaybe hedi hakke, ammaa yeedbe hedi mboodeenga.

3 Yuhanna 1:2 Soobaajo am gidaado, mi don yelo a jamo koodume bana mi anndi a jamo nder bernde ma.